

Náttúrufræðisstofnun
b/t Kristján Jónasson
Urriðaholtsstræti 6-8
212 Garðabær

Reykjavík, 16. júlí 2019
UST201906-061/P.V.B.
09.05.01

Efni: Faraleyfi til Surtseyjar- jarðfræðileiðangur 2019

Umhverfisstofnun hefur mótttekið erindi Kristjáns Jónassonar, Náttúrufræðisstofnun, dagsett 12. júlí 2019, um breytingar á nafnalista leiðangursmanna í jarðfræðileiðangri til Surtseyjar 18.-22. júlí 2019 sem Umhverfisstofnun veiti leyfi fyrir þann 2. júlí 2019.

Surtsey er friðlýst sem friðland sbr. auglýsing nr. 50/2006. Óheimilt er að fara í land í Surtsey nema með skriflegu leyfi Umhverfisstofnunar. Heimilt er að veita leyfi til ferða út í Surtsey til rannsókna og verkefna sem tengjast þeim.

Lýsing verkefnis:

Vegna óvæntra forfalla þarf að skipta út tveimur leiðangursmönnum í ferðinni. Koma þeir til með að sinna sömu verkefnum og fyrirrennarar þeirra ætluðu að sinna.

Áhrifamat:

Umhverfisstofnun metur nafnabreytinguna ekki líklega til að breyta forsendum áður útgefins leyfis. Um er að ræða einfalda nafnabreytingu þar sem verkefni færast á milli starfsmanna.

Skilyrði:

Fararleyfi Velveth Perez og Erlu Jónsdóttur til Surtseyjar 18.-22. júlí 2019 sem gefið var út 2. júlí 2019 með bréfi Umhverfisstofnunar er hér með afturkallað. Umhverfisstofnun veitir fyrir sitt leyti leyfi fyrir nafnabreytingu leiðangursmanna í jarðfræðileiðangri til Surtseyjar 18.-22. júlí 2019 að uppfylltum eftirfarandi skilyrðum:

- Fararleyfið gildir eingöngu fyrir eftirtalda aðila:
 - Iwona Monika Galeczka, ÍSOR, mælingar á yfirborðsjarðhita.
 - Aurélien Daussin, Matís, rannsóknir á örverum.
- Takmarka skal þann tíma sem dvalið er á svæðinu eins og kostur er.
- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- Tilkynna skal til starfsmanns Umhverfisstofnunar á svæðinu hvenær brottför er til Surtseyjar með að minnsta kosti tveggja sólarhringa fyrirvara.
- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- Virða skal umgengnisreglur sem gilda um svæðið.
- Leiðangursmenn skulu gæta þess að hreinsa allan fatnað og farangur áður en lagt er af stað til að tryggja að engar lífverur, plöntuhlutar og jarðvegur berist til Surtseyjar til að tryggja að landnám/þróun lífs eigi sér stað án tilstuðlan mannsins. Er það á ábyrgð

leiðangursstjóra að tryggja að allir leiðangursmenn viti af þessu og sjái til þess að það sé gert.

- Ef í ljós kemur að hreinsun fatnaðar og/eða búnaðar er ábótavant getur eftirlitsmaður farið fram á að búnaður sé skilinn eftir, frestað för þar til úrbætur hafa farið fram eða farið fram á að fararleyfi viðkomandi sé afturkallað.
- Gæta verður þess að ganga vel um viðkvæma náttúru Surtseyjar þar sem bannað er að trufla dýralíf, raska jarðminjum og skerða gróður.
- Gæta verður þess að allur farangur verði tekin til baka sem og allur sá úrgangur sem til fellur á meðan dvalið er í Surtsey.
- Ekkert drykkjarvatn er í eyjunni og verða leiðangursmenn að flytja það með sér. Þá er þar engin salernisaðstaða.
- Á meðan dvalið er í eyjunni ber leiðangursmönnum að hlíta fyrir mælum starfsmanns friðlandsins.
- Sýnataka í Surtsey er eingöngu fyrir þau verkefni sem talin er upp í verkefnislýsingu og óheimilt er að afhenda þriðja aðila sýnin í gróðaskyni.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Umhverfisstofnun vekur athygli á því að í verndar- og stjórnunaráætlun Surtseyjar sem samþykkt var 2014 fer Umhverfisstofnun fram á að þeir vísindamenn og fjölmiðlamenn sem fá leyfi til að heimsækja Surtsey skili niðurstöðum sínum/lokaafurð (skýrslum, greinum og myndefni) án endurgjalds til Umhverfisstofnunar þar sem þær kunna að nýtast til fræðslu og kynningar á friðlandinu. Miða skal við að afhending niðurstaða/lokaafurðar eigi sér stað eigi síðar en ári eftir að ferð er farin. Ef um er að ræða árleg vöktunarverkefni eða rannsóknarverkefni sem stendur yfir í meira en eitt ár skal skila inn framvinduskýrslu árlega.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Með í för verður Daníel Freyr Jónsson, starfsmaður friðlandsins.

Leiðbeiningar um hreinsun fatnaðar og búnaðar er að finna í fylgiskjali með bréfi þessu.

Virðingarfyllst



Sigrún Agústs dóttir
sviðsstjóri



Þórdís Vilhelmsdóttir
sérfræðingur